



Datuen Babeserako Politika eta Tratamendu Jardueren  
Erregistroa [www.sestaobai.net](http://www.sestaobai.net)-en argitaratzeko

## Datuak Babesteko Politika eta Tratamendu Jardueren Erregistroa

Datuak babesteko politika honen bidez ematen den informazio guztia aplikagarri zaio gure zerbitzuak kontaktatzen edo erabiltzen dituzten pertsonen datu pertsonalez **Sestao Bai, S.A.** erakundean egiten dugun erabilerari.

Gainera, merkataritzako foru-sozietatea garenez eta betetzeko 30. artikuluan xedatzen duena 2016/679 (EB) Erregelamenduak (Datuak Babesteko Erregelamendu Orokorra; aurrerantzean, DBEO) eta 31. artikuluan xedatzen duena 3/2018 Lege Organikoak, Datu Pertsonalak Babesteari eta Eskubide Digitalak Bermatzeari buruzkoak (aurrerantzean, DBEDBLO), dokumentu honekin argitara ematen dugu gure tratamendu-jardueren erregistroa, non informazio zehatza aurkituko duzun datu pertsonalez egiten dugun tratamendu bakoitzari buruz.

## Datuen babesari buruzko oinarritzko informazioa

### ***1. Nor da zure datuen tratamenduaren arduraduna?***

Zure datuen tratamenduaren arduraduna Sestao Bai, S.A. da, Sestaoko Udalak eta Bizkaiko Foru Aldundiak 2004ko azaroaren 4an sinatutako lankidetzarako esparru-hitzarmenean ezarritakoaren arabera eraturako foru-merkataritzako sozietatea, Sestaoko udalerrria biziberritzen lagunduko duten hirigintza-jarduerak sustatu eta garatzeko.

Gure helburua da hirigintza-jarduerak sustatzea eta garatzea, besteak beste, enpresa-erabilerarako lurzorua sustatzea, lurzorua erostea, enpresa-instalazioak egokitzea, enpresa-poligonoak kudeatzea eta enpresa-moduluak alokatzea Sestaoko udalerriko Hiri Antolamenduko Plan Orokorrean zehaztutako industrialdean, "La Naval" banaketa-eremuaren 19. eremuan, bai eta prozesuan laguntzen duen hirigintza-izaerako beste edozein jarduerarekin. Udalerriko hiri-biziberritzekoak Sestao Bai, S.A. erakundearen jardueraren nagusia industria-sektoreetako enpresak eta industriari atxikitako zerbitzuak hartzen espezializatutako enpresa-parkea sustatzea da.

### ***2. Nor da Datuen Babesaren ordezkaria?***

Lege Aholkularitza, Informazioaren Segurtasuna eta Datu Babesa Bideratzeko Ataleko burutzak betetzen ditu Datuen Babesaren ordezkariaren eginkizunak eta kargua, eta zuzenean dago atxikita Modernizazio, Gobernamentu On Gardentasunerako Kabineteari. Gobernu Kontseiluaren 2018ko maiatzaren 15eko Erabakiaren bidez onartu zen Bizkaiko Foru Aldundiko eta sektore publikoko Foru Erakundeetako datuak babesteko ordezkariaren figura sortu, izendatu eta arautzea. Izendapen hori argitara eman zen 2018ko maiatzaren 24ko Bizkaiko Aldizkari Ofizialean (99. zk.) eta ofizialki jakinarazi zitzaion Datuak Babesteko Euskal Bulegoari.

Datuak Babesteko ordezkariarekin harremanetan jartzeko, idatzi Lege Aholkularitza, Informazioaren Segurtasuna eta Datu Babesa Bideratzeko Atalera, posta-helbide honetara: Kale Nagusia 25, 48009 Bilbo.

### 3. Zeintzuk dira datuak ematean dagozkizun eskubideak?

Datuen babesari buruzko araudiak zenbait eskubide ematen dizkie interesdunei beren datu pertsonalei dagokienez, berehala aditzera emango dizugunez. Eskubide horiek zuzenean balia daitezke, edo legezko edo borondatezko ordezkari baten bidez, eta dohainik.

Zure eskubideak baliatzeko, jar zaitetz harremanetan Sestao Bai, S.A. erakundearekin, idatzizko jakinarazpen bat bidaliz helbide honetara, NANaren edo identifikazio-agiri analogo baten fotokopiaz lagundurik:

Iparragirre, 7

48910 Sestao, Bizkaia

Zure eskaera jaso ondoren, ebazpen bat emango dugu. Ebazpenarekin ados ez bazaude, aldez aurreko erreklamazioa egin ahal izango duzu datuak babesteko ordezkariaren aurrean (Bizkaiko Foru Aldundiko Lege Aholkularitza, Informazioaren Segurtasuna eta Datu Babesa Bideratzeko Atala: Kale Nagusia 25, 48009 Bilbo), eta hark bere ebazpena izapidetuko du Sestao Bai erakundearen barruan, edo Datuak Babesteko Espainiako Agentzian ([www.aepd.es](http://www.aepd.es)).

Datuen titularrek eskubide hauek dituzte:

- **Sartzeko eskubidea:** datu pertsonalak tratatzen diren jakiteko eta tratamendu horri buruzko informazio osoa ezagutzeko eskubidea. Konparazio batera: datu pertsonalak, kategoriak, helburuak, hartzaileak, kontserbazio-epea, jatorria, transferentziak eta komunikazioak.
- **Zuzentzeko eskubidea:** zehatzak ez diren datu pertsonalak zuzentzeko eta falta diren datuak osatzeko ahalmena ematen du.
- **Ezerezteko eskubidea:** datu pertsonalak ezabatzeko ahalmena ematen du kasu hauetan:
  - Datuak legez kontra tratatu badira.
  - Tratamendua edo bilketa eragin zuen helburua desagertu bada.
  - Adostasuna ezeztatu bada (adostasuna datuen tratamendua legitimatzen duen oinarri juridikoa denean bakarrik).
  - Tratamenduari aurka egin bazaio.
- **Aurka egiteko eskubidea:** zure datu pertsonalen tratamenduari aurka egin ahal diozu, baldin eta botere publikoen erabilera edo tratamenduaren arduradunaren interes legitimoa bada haren legitimazio-oinarria.
- **Mugatzeko eskubidea:** datu pertsonalen tratamendua mugatzea, bi aldaeratan: datuen tratamendua etetea eta datuak kontserbatzea:
  - Tratamendua eteteko eskatzen da:
    - Datu pertsonalen zehaztasuna aurkaratzen denean, zehaztasuna egiaztatzeke epearen barruan.
    - Tratamenduari aurka egiten zaionean, arrazoi pertsonalak azalduta, aldi berean egiaztatzen delarik arduradunak interes publikoaren edo botere publikoaren izenean burututako eginkizun batean legitimatuta tratatzen dituela zure datuak, eta zehazten denean arduradunaren tratamendu hori gailentzen dela.
  - Datuak gordetzeko eskatzen da:
    - Tratamendua legez kontrakoa denean eta erabilera mugatzea eskatzen denean, eta ez ezereztea.

- Pertsonak erreklamazioak egiteko edo defendatzeko datuak behar dituztenean, baina aldi berean arduradunak jadanik behar ez dituztenean datu horiek tratamenduaren helburuetarako.
- **Erabaki indibidual automatizatuen helburu ez izateko eskubidea:** eskubide honek bermatzen du zure gainean ez dela erabakirik hartuko datu pertsonalen tratamendu hutsean oinarrituta (profilak egitea barne), baldin eta tratamenduak ondorio juridikoak baditu pertsonarengan. Hala ere, eskubidea ez da aplikatzen kasu hauetan:
  - Erabakia beharrezkoa bada interesdunaren eta tratamenduaren arduradunaren artean kontratu bat egiteko edo betearazteko.
  - Tratamendua adostasunak legitimatuta badago.

#### **4. Zein kasutan komunikatuko ditugu zure datuak?**

Ez dizkiegu zure datuak hirugarrenei komunikatuko, zuri alde aurretik jakinarazi gabe eta behar den legitimazio-oinarria eduki gabe.

Batzuetan, zerbitzu jakin batzuk ematen dizkiguten enpresak kontratatzen ditugu, eta, horretarako, gure ardurapeko datu pertsonalak tratatu behar izaten dituzte. Enpresa horiekin tratamendu-eragileen kontratuak sinatu ditugu, DBEOren eta DBEDBLOren xedapenak betetzen dituztenak. Kontratuon bidez ziurtatzen dugu enpresa horiek kontratatutako zerbitzua emateko soilik tratatzen dituztela erabilgarri dituzten datuak, ez dituztela inoiz erabiltzen baimendu ez dizkiegun helburuetarako eta ez dizkietela datu horiek hirugarren enpresa eta/edo administrazioei lagako. Gainera, eskatzen diegu segurtasun-neurriak ezar ditzatela datu pertsonalen konfidentzialtasuna eta osotasuna bermatzeko. Era berean, kontratatuko baditugu, enpresa eta erakundeek bermatu behar digute indarrean dauden datuen babesari buruzko xedapenak betetzen dituztela.

Kasu bakoitzean jakinaraziko dizugunez, egoera jakin batzuetan, datuak administrazio publikoei lagatzeko legezko betebeharra dugu.

Kontrakoa adierazi ezean, ez dugu datuen nazioarteko transferentziarik egingo.

#### **5. Zer segurtasun-neurri aplikatzen ditugu datuen tratamenduan?**

Ezarritako segurtasun-neurriek jarraibide hartzen dituzte bere II. eranskinean (Segurtasun-neurriak) ezartzen dituenak urtarrilaren 8ko 3/2010 Errege Dekretua, zeinaren bidez arautzen baita Segurtasun Eskema Nazionala Administrazio Elektronikoaren esparruan.

Jarraian, Sestao Bai, S.A. erakundean egiten dugun tratamendu-jarduera bakoitzari buruzko informazio zehatza jasotzen dugu:

## 1. Langileen kudeaketa

### 1.1. Zertarako tratatzen ditugu zure datu pertsonalak?

Sestao Bai, S.A. erakundeko langileak kudeatzeko tratatzen ditugu zure datu pertsonalak. Zehazki, haien datuak lantzen ditugu, ordutegi-kontrola, sarbideen kontrola, prestakuntza, pentsio-planak, laneko arriskuen prebentzioa, diziplina-araubidea, nominak egin eta ematea eta jarduera sindikalaren kudeaketa kudeatzeko.

### 1.2. Zenbat denboraz gordeko ditugu datuak?

Datu-bilketaren helburua betetzeko eta helburu horretatik eta datuen tratamendutik erator daitezkeen erantzukizunak zehazteko behar den denboran gordeko dira.

### 1.3. Zein da datuak tratatzeko legitimazio-oinarria?

Zure datu pertsonalak Sestao Bai, S.A. erakundeari aplikatu beharreko legezko betebeharrak betetzeko (DBEO 6.1.c) tratatzen ditugu.

Hona datuen tratamendua legitimatzen duten legeak:

- 5/2015 Legegintzako Errege Dekretua, urriaren 30ekoa, Enplegatu Publikoaren Oinarrizko Estatutuaren Legearen testu bategina onartzen duena;
- 6/1989 Legea, uztailaren 6koa, Euskal Funtzio Publikoari buruzkoa;
- 2/2015 Legegintzako Errege Dekretua, urriaren 23koa, Langileen Estatutuaren Legearen testu bategina onartzen duena.

Kategoria bereziko datuak tratatzeko legitimazioa lan zuzenbidearen eta gizarte segurantzaren eta babesaren esparruan betebeharrak betetzea eta eskubide espezifikoak baliatzea da (DBEO 9.2.b.).

### 1.4. Zer datu tratatzen ditugu eta nola lortu ditugu?

Tratatzen ditugun datuak gure langileek emandakoak dira.

Datu-kategoria hauek tratatzen ditugu:

- Identifikazio-datuak eta harremanetarakoak;
- Akademikoak eta profesionalak;
- Inguruabar sozialak eta pertsonalak;
- Enpleguaren xehetasunak;
- Bankukoak eta ondare ekonomikoak;
- Datuen kategoria bereziak: osasuna, sindikatu-afiliazioa.

### 1.5. Zein hartzaileri komunikatuko dizkiogu zure datuak?

Jarraian adierazten ditugun datuen komunikazioak lehen aipatutako legeetako legezko betebeharrak betetzeko legitimazioa dute.

Zehazki, honako hauei egiten dizkiegu datuen komunikazioak:

- Mutualitateei eta gizarte-aurreikuspeneko erakundeei;
- Gizarte Segurantzari;
- Finantza- eta aurrezki-erakundeei;
- Aseguru-erakundeei;
- Bizkaiko Foru Aldundiari.

## **2. Bideozaintza**

### *2.1. Zertarako tratatzen ditugu zure datu pertsonalak?*

Instalazioetarako sarbideen segurtasuna eta kontrola mantentzeko tratatzen ditugu zure datu pertsonalak.

### *2.2. Zenbat denboraz gordeko ditugu datuak?*

Bideozaintzarako bildutako datuak hilabeteko epean gordeko dira, Datu Pertsonalak Babesteari eta Eskubide Digitalak Bermatzeari buruzko 3/2018 Lege Organikoaren 22.3 artikulua arabera.

Hatz-aztarnetatik jasotako datuak prozedura izapidetzeko eta tratamendutik erator daitezkeen erantzukizunen preskripzio-epea betetzeko behar den denboran gordeko dira.

### *2.3. Zein da datuak tratatzeko legitimazio-oinarria?*

Zure datu pertsonalak interes publikoaren izenean edo tratamenduaren arduradunari emandako botere publikoen izenean burututako eginkizun bat betetzeko (DBEO 6.1.e) tratatzen ditugu.

### *2.4. Zer datu tratatzen ditugu eta nola lortu ditugu?*

Tratatzen ditugun datuak erabiltzaileek, enplegatu publikoek, herritarrek eta egoiliarrek emandakoak dira.

Identifikazio-datuak eta harremanetarakoak baino ez ditugu tratatzen.

### *2.5. Zein hartzaileari komunikatuko dizkiogu zure datuak?*

Ez da datu-komunikaziorik egiten.

## **3. Lursailen merkaturatzea**

### *3.1. Zertarako tratatzen ditugu zure datu pertsonalak?*

Sestao Bai, S.A. erakundeak kudeatzen dituen lursailen salerosketak izapidetzeko eta erakundea erosleekin komunikatzeko tratatzen ditugu zure datu pertsonalak.

### *3.2. Zenbat denboraz gordeko ditugu datuak?*

Datu-bilketaren helburua betetzeko eta helburu horretatik eta datuen tratamendutik erator daitezkeen erantzukizunak zehazteko behar den denboran gordeko dira.

### *3.3. Zein da datuak tratatzeko legitimazio-oinarria?*

Zure datu pertsonalak Sestao Bai, S.A. erakundeari aplikatu beharreko legezko betebeharrak betetzeko (DBEO 6.1.c) tratatzen ditugu.

Hona datuen tratamendua legitimatzen duten legeak:

- 2/2006 Legea, ekainaren 30ekoa, Euskadiko Lurzoruari eta Hirigintzari buruzkoa, eta 2/2014 Legea, urriaren 2koa, Lurzoruari eta Hirigintzari buruzko 2/2006 Legea aldatzen duena;
- 2/2014 Legea, urriaren 2koa, Lurzoruari eta Hirigintzari buruzko 2/2006 Legea aldatzen duena;
- 4/2015 Legea, ekainaren 25ekoa, Euskadiko lurzoruaren kutsadura;
- 7/2015 Legegintzako Errege Dekretua, urriaren 30ekoa, Lurzoruari eta Hiri Birgaitzeari buruzko Legearen testuategina onartzen duena.

#### 3.4. Zer datu tratatzen ditugu eta nola lortu ditugu?

Tratatzen ditugun datuak interesdunak berak eta/edo haren legezko ordezkariak emandakoak dira.

Datu-kategoria hauek tratatzen ditugu:

- Identifikazio-datuak eta harremanetarakoak;
- Akademikoak eta profesionalak.

#### 3.5. Zein hartzailei komunikatuko dizkiogu zure datuak?

Ez da datu-komunikaziorik egiten.

### 4. Kontabilitatea

#### 4.1. Zertarako tratatzen ditugu zure datu pertsonalak?

Kontabilitate-, zerga- eta administrazio-kudeaketarako tratatzen ditugu zure datu pertsonalak.

#### 4.2. Zenbat denboraz gordeko ditugu datuak?

Datu-bilketaren helburua betetzeko eta helburu horretatik eta datuen tratamendutik erator daitezkeen erantzukizunak zehazteko behar den denboran gordeko dira.

#### 4.3. Zein da datuak tratatzeko legitimazio-oinarria?

Zure datu pertsonalak interesduna alderdi den kontratu bat gauzatzeko (DBEOren 6.1.b. artikulua) eta hurrengo legeek ezartzen dizkiguten legezko betebeharrak betetzeko (DBEOren 6.1.c artikulua) tratatzen ditugu.

- Kontabilitate Publikoko Plan Orokorra, uztailaren 4ko 16/2007 Legearen azken xedapenetatik lehenengoarekin lotuta;
- 5/2013 Foru Dekretu Arauemailea, abenduaren 3koa, Aurrekontuei buruzko abenduaren 29ko 5/2006 Foru Arau Orokorraren testuategina onartzen duena.

#### 4.4. Zer datu tratatzen ditugu eta nola lortu ditugu?

Tratatzen ditugu datuak interesdunak berak eta/edo haren legezko ordezkariak emandakoak dira, bai eta gure hornitzaileek emandakoak ere.

Datu-kategoria hauek tratatzen ditugu:

- Identifikazio-datuak eta harremanetarakoak;
- Bankukoak eta ondare ekonomikoak;

- Transakzioen datuak.

#### 4.5. Zein hartzaileri komunikatuko dizkiogu zure datuak?

Jarraian adierazten ditugun datuen komunikazioak lehen aipatutako legeetako legezko betebeharrak betetzeko legitimazioa dute.

Zehazki, honako hauei egiten dizkiegu datuen komunikazioak:

- Bizkaiko Foru Aldundiari;
- Herri Kontuen Euskal Epaitegiari.